

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 457761 23 St
Tuzla, 14.03.2024.godine

Općinski sud u Tuzli, sudija Antonela Đaković, u postupku prethodnog ispitivanja prijedloga za otvaranje stečajnog postupka nad dužnikom "MODERNIZACIJA" d.o.o za proizvodnju, trgovinu, promet i usluge, ul. Sarajevska bb, Gradačac, podnesen od strane povjerioca „Sparkasse Bank“ d.d BiH, dana 14.03.2024.godine donio je slijedeće:

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva "MODERNIZACIJA" d.o.o za proizvodnju, trgovinu, promet i usluge, ul. Sarajevska bb, Gradačac, **MBS: 32-01-0070-11.**

Za privremenog stečajnog upravnika imenuje Hamidović Besim iz Zvornika, ul. Križevići br.165.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbjediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika seobustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gradačcu i Službi za geodetske i imovinsko-pravne poslove Grada Gradačac, radi upisa zabilježbe otvaranja prethodnog postupka.

O b r a z l o ž e n j e

Predlagač – povjerilac „Sparkasse Bank BIH“ d.d Sarajevo, podnio je dana 25.12.2023.godine ovom sudu prijedlog za otvaranje stečajnog postupka nad privrednim društvom „MODERNIZACIJA“ d.o.o za proizvodnju, trgovinu, promet i usluge zbog platežne nesposobnosti stečajnog dužnika, jer je račun društva blokiran od 23.10.2023.godine.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju i da je isti dopušten, zakazao je ročište za saslušanje povjerioca kao podnosioca prijedloga i dužnika.

Na ročištu održanom dana 11.03.2024. godine punomoćnik predlagača je izjavio da ostaje kod prijedloga za otvaranje stečajnog postupka, budući da dužnik ne izmiruje obaveze o roku dospijeca po svim ugovorima o kratkoročnom kreditu i ugovoru o revolving kreditu koji su navedeni u prijedlogu i dostavljeni sudu. Predlagač je podnio na prinudnu naplatu mjenice sa transakcijskih računa dužnika radi namirenja dijela potraživanja iz navedenih ugovora, međutim bez uspjeha budući da su računi dužnika blokirani po drugim osnovama. Iz izvještaja o računima Centralne Banke BIH za dužnika od 25.12.2023.godine vidljivo je da je transakcijski račun dužnika blokiran od 23.10.2023.godine tj. duže od 60 dana neprekidno. Ovlašteni organ dužnika je bio dužan da podnese prijedlog za otvaranje stečajnog postupka zbog nastupanja platežne nesposobnosti ali to nije učinio. Nadalje navodi da je uvidom u svoje poslovne knjige predlagač utvrdio da su na dan 25.12.2023.godine ukupne dospjele obaveze dužnika prema predlagaču po osnovu gore navedenih ugovora iznose 5.281.041,25 KM te da iz naprijed navedenog proizilazi da je predlagač učinio vjerovatnim svoje potraživanje. Provjerom kod nadležnih registara predlagač je utvrdio da stečajni dužnik raspolaže nepokretnom imovinom koja je opterećena založnim pravom-hipotekom u korist drugih povjerilaca, iz čega jasno proizilazi da se iz imovine stečajnog dužnika mogu namiriti troškovi stečajnog postupka. Imajući u vidu činjenicu da je predlagač učinio vjerovatnim svoje potraživanje i da je račun stečajnog dužnika blokiran 60 dana neprekidno, kao i da se iz imovine mogu namiriti troškovi stečajnog postupka isti je predložio da sud donese rješenje o pokretanju prethodnog stečajnog postupka radi utvrđivanja uslova za otvaranje stečajnog postupka, da imenuje privremenog stečajnog upravnika, kao i da odredi odgovarajuće mjere radi osiguranja buduće stečajne mase.

Dana 11.03.2024. godine, rješenjem ovog suda, broj gornji, naloženo je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka. Predlagač–povjerilac Sparkasse Bank BIH“ d.d Sarajevo je dana 13.03.2024.godine dostavio sudu dokaz o uplati predujmljenih sredstava za finansiranje prethodnog postupka u iznosu od 5.000,00 KM.

Na osnovu priložene dokumentacije i to: ugovor o okvirnom kreditu- za finansijsku podršku, broj 48607/4 od 28.04.2023.godine, ugovor o revolving kreditu broj 846613/2 od 28.04.23.godine, ugovor o revolving kreditu broj 846614/2 od 28.04.23.godine, ugovor o revolving kreditu broj 846612/2 od 28.04.23.godine, ugovor o okvirnom kreditu- za finansijsku podršku, broj 44887/4 od 31.03.2022.godine, ugovor o kratkoročnom kreditu/za obrtna sredstva / broj 854694/2 od 18.09.2023.godine, ugovor o kratkoročnom kreditu/za obrtna sredstva / broj 852603/2 od 27.07.2023.godine, ugovor o kratkoročnom kreditu/za obrtna

sredstva / broj 852984/2 od 17.08.2023.godine, ugovor o okvirnom kreditu- za finansijsku podršku, broj 32482/4 od 13.12.2018.godine, sa pripadajućim aneksima od 05.03.2019.godine, 16.11.2020.godine, 03.03.2021.godine i 25.07.2022.godine, ugovor o kratkoročnom kreditu/za obrtna sredstva / broj 853516/2 od 21.08.2023.godine, ugovor o kratkoročnom kreditu/za obrtna sredstva / broj 853817/2 od 28.08.2023.godine, ugovor o kratkoročnom kreditu/za obrtna sredstva / broj 854464/2 od 28.08.2023.godine, ugovor o okvirnom kreditu- za finansijsku podršku, broj 29382/4 od 27.02.2018.godine, sa pripadajućim aneksima od 06.03.2019.godine, 03.03.2021.godine, 31.03.2022.godine i 28.04.2023.godine, ugovor o revolving kreditu broj 841740/2 od 27.02.23.godine, ugovor o revolving kreditu broj 836999/2 od 26.10.22.godine, ugovor o revolving kreditu broj 841741/2 od 28.02.23.godine, obavijest broj 27509-02-06-23 od 21.12.2023.godine, obavijest broj 26734-02-06-23 od 12.12.2023.godine, BP.1 Izvještaj o tekućim zaduženjima poslovnim subjektima Centralne banke BH od 13.12.2023.godine, PS P3. Izvještaj o računima poslovnog subjekta Centralne banke BH od 25.12.2023.godine, potvrda banke o statusu računa dužnika, od 25.12.2023.godine sa pregledom blokada, dopis-dostava mjenice na naplatu i mjenica AF 9275783, rješenje o izmjeni podataka od 16.02.2018.godine i 10.03.2020.godine, izvod iz poslovnih knjiga-pregled dospijeca i plaćanja po kreditu 854694/2, izvod iz poslovnih knjiga-pregled dospijeca i plaćanja po kreditu 853817/2, izvod iz poslovnih knjiga-pregled dospijeca i plaćanja po kreditu 853516/2, izvod iz poslovnih knjiga-pregled dospijeca i plaćanja po kreditu 854464/2, izvod iz poslovnih knjiga-pregled dospijeca i plaćanja po kreditu 852984/2, izvod iz poslovnih knjiga-pregled dospijeca i plaćanja po kreditu 836999/2, izvod iz poslovnih knjiga-pregled dospijeca i plaćanja po kreditu 846613/2, izvod iz poslovnih knjiga-pregled dospijeca i plaćanja po kreditu 846614/2, izvod iz poslovnih knjiga-pregled dospijeca i plaćanja po kreditu 841740/2, izvod iz poslovnih knjiga-pregled dospijeca i plaćanja po kreditu 841741/2, izvod iz poslovnih knjiga-pregled dospijeca i plaćanja po kreditu 846612/1, zk uložak broj 28,29 i 30 KO Gradačac I, zk uložak broj 409,419, 1180 i 4078 KO SP-Crnotina, predlagač je učinio vjerovatnim platežnu nesposobnost dužnika.

Na osnovu podnesene dokumentacije i saslušanja punomoćnika predlagača- povjerioca, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Službene novine Federacije BiH”, br.53/2021.).

Odluka iz stava 3. ovog rješenja donesena je temeljem odredbe člana 63. pomenutog zakona, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. istog zakona.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od petog dana od dana objavljivanja u „Službenim novinama FBiH”. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.